

Պարսիկս» (ՄՀԳ) հատվածները, Գ. Արգարյանի ենթադրությամբ Սերեոսի երկից մնացած հատվածներ են և առայժմ հայտնի ամենահնագույն նմուշը այդ երկից¹³: «Աբրահամու արքեպիսկոպոսի Եփեսացույ Ներբողեան յաւետիս սուրբ Աստուածածնին եւ միշտ կուսին Մարիամու» ներբողյանի մասին Բ. Սարգիսյանը գրում է. «Աբրահամ Եփեսացու գրուածներեն միակն է այս ճառս, հայկական թարգմանությամբ մեզ հասած»¹⁴: «Ի յիշատակի սրբոյն Անտոնի անապատականի, սրբոյն Աթանասի եպիսկոպոսի Աղեքսանդրի ասացեալ» ճառը «շարաբանությամբ կտարբերի երկու տպագրութենէն ևս, և կը թվի հնագույն և ընտրեալագույն թարգմանութիւն»¹⁵, «Սրբոյն Մահակայ հայոց հայրապետի» դավանական ճառը «համարեն Սահակ Գ կաթողիկոսին է... ինձ ծանոթ միակ օրինակն է այս, որ զերծ մնացել է նորամուտ խանգարումներէ»¹⁶: Կան նաև ճառեր և վկայութիւններ, որոնք «շատ կեանքով ուշագրավ են»¹⁷, կամ «ունեն զգալի տարբերութիւններ» տպագրութիւններից և այլն, ինչպես վկայում է Բ. Սարգիսյանը:

Ձեռագիրն սկսվում է Տօնականի կարգավորման, վերաբերյալ տեղեկությամբ: Ըստ այդմ, Տօնականի մեջ մտած նյութերն ու պատմութիւնները «ի մի կանոն կարգադրութիւն ժողովեալ առն աստուծոյ Սողոմոնի Մաքենացոց ուխտին առաջնորդ, ի գաւառին Գեղարունի, ի թուականին ԾՂԶ (747)»¹⁸: Այս բանը կրկնվում է նաև Առաքելոց վանքում գրված Հիշատակարանում: Ելնելով սրանցից, Ն. Սարգսյանը գրում է, որ «թվի թի երկրորդ օրինակ իցե կամ անընդմիջապես գաղափարյալ հառաջնո անտի, զոր հավաքյալ կարգադրյաց Սողոմոն՝ Մաքենացոց ուխտին առաջնորդ, որպես վկայի և Օրբելյանն Ստեփաննոս»¹⁹: Նույն կարծիքին է Բ. Սարգիսյանը, որ այն գտնում է օրինակած «ոչ թի Սողոմոնի Տօնականէն ուղղակի, այլ անոր երկրորդ օրինակէն», որը նրա կարծիքով պիտի լինի «յամի տեառն 1104—5 գրված»²⁰, այսինքն Չորտուանեւ Մամիկոնյան իշխանի ժամանակ: «Ոչ մի հիմք չկա ընդունելու, թէ նրա օրինակը եղել է Սողոմոն Մաքենացու ձեռքով պատրաստած ձեռագիրը»²¹, գրում է Գարեգին Հովսեփյանը: Ճիշտ է, որ նրա պաղափար օրինակը անմիջապես Սողոմոն Մաքենացունը չի եղել, սակայն այն անպայման սերում է Տօնականի՝ Մաքենացու խմբագրութիւնից, ինչպես ցույց են տալիս գրչի և հիշատակագրի վկայութիւնները: Տօնական, ճառերնտիր, յայսմաւորք և այս կարգի այլ մատյաններ խմբավորվելուց կամ կարգավորվելուց հետո միշտ հարստացվում ու լրացվում էին. որոշ վարքեր կամ ճառեր փոխարինվում էին ուրիշներով, բայց դարձյալ կոչվում էին կարգավորողի կամ խմբագրողի անունով, եթե այն խոշոր փոփոխութիւնների չէր ենթարկվել: Այսպես. 1536 թ. ընդօրինակած Յայսմաւորքի հիշատակարանում, Գարբիել գրիչը գրում է. «Եւ եղև գրաւորութիւն գրոցս... ի լաւ և յընդիր արինակէ, որ ասի Մերենց, և այլ

13 Գ. Վ. Արգարյան, «Սերեոսի պատմութիւնը» և Անանուկի առեղծվածը, Երևան, 1965, էջ 29:

14 Բ. Սարգիսյան, Ցուցակ վեհերկի, Բ, էջ 440:

15 Անդ, էջ 444:

16 Անդ, էջ 449:

17 Անդ, էջ 459:

18 Մատենադարան, ձեռ. № 7729, էջ 3ա:

19 Բ. Սարգիսյան, Ցուցակ վեհերկի, Բ, էջ 469:

20 Անդ, էջ 435—436, 476:

21 Յիշատակարանք, Ա, էջ 722—3: